

إِنَّ الدِّينَ عِنْدَ اللَّهِ الْإِسْلَامُ



لَا إِلَهَ إِلَّا اللَّهُ مُحَمَّدٌ رَّسُولُ اللَّهِ

Khutba Jummah

HADHRAT MUHYI-UD-DIN AL-KHALIFATULLAH

Munir Ahmad Azim

16 Mars 2018

(27 Jamad'ul Aakhir 1439 AH)

Après ki li fine salué tous so bane disciples (et tous bane Musulmans) entier le monde avec le Salaam - la Salutation de paix dans l'Islam - Hazrat Khalifatullah (atba) fine lire Tashahhud, Ta'uz, Surah Al Fatiha, et ensuite li fine axé so Khutba lor: « Ene prophétie Accomplie ».

يَخْنُصُ بِرَحْمَتِهِ مَنْ يَشَاءُ وَاللَّهُ ذُو الْفَضْلِ الْعَظِيمِ

Yakh-tassu bi-rahmatihii mayy yashaaa'. Wallaahu Zul-fazlil -'Azim.

Allah choisir celui ki Li oulé (pou admettre) dans So miséricorde et Allah possède ene grâce immense. (Al-Imran 3: 75).

أَفَكُلَّمَا جَاءَكُمْ رَسُولٌ بِمَا لَا تَهْوَى أَنْفُسُكُمْ اسْتَكْبَرْتُمْ فَفَرِيقًا كَذَّبْتُمْ وَفَرِيقًا تَقْتُلُونَ

'Afa-kullamaa jaaa-'akum Rasuulum bima laa tahwaa 'anfusukumus 'takbartum? Fa-fariiqan kazzabtum wa fariqan taqtuluun?

Ki arrive zot, ki sak fois ki ene prophète vine vers zot avec saki zot pas envie, zot boufonne (moque) certains, et zot rode touye les autres? (Al-Baqara 2: 88).

Kan, sous l'instruction d'Allah, mo ti proclame moi comme le *Muhyi-ud-Din* (Celui ki faire revivre la Religion) et le *Khalifatullah* (Calife d'Allah) de sa l'époque là, ainsi ki bane les autres titres ki Allah fine accorde moi, bane musulmans, plus précisément bane Mullahs Ahmadis, avec tout zot la haine et jalousie fine marié-

piké contre moi et fine commence mette toute sorte kalité blâmes et jette toute sorte kalité saleté lors moi. Bane dimounes, ki prend zot couma bane savants et bane défenseurs de l'Islam, de l'Ahmadiyyat et défenseurs du 'calife' fine alle partout partout pour soulève la masse contre le Jamaat Ul Sahih Al Islam et contre le Khalifatullah de sa siècle là.

Depuis le début de la Manifestation Divine et la proclamation de sa humble serviteur d'Allah comme le *Muhyi-ud-Din* et *Khalifatullah* etc., bane mullahs fine mêle la politique à zot bane plans anti-Jamaat Ul Sahih Al Islam. Mais ki sanlà pou capave arrête rouleau compresseur ki le Jamaat Ul Sahih Al Islam fine dévini? Kan Allah (twa) avec nous, ki sanlà pou capave osé défier Li et dresse contre So volonté? En vérité conséquence de sa dimoune là pou bien lamentable, parski Allah soutenir toujours So bane serviteurs élus et réalise certainement So bane promesses.

Depuis le temps de Hazrat Adam (as) ziska azordi, Allah fine suscite bane prophètes pour la gouverne de l'humanité. Kan Satan fine jugé coupable comme étant ene créature ki pas fine rode soumettre à la volonté d'Allah et kot Allah fine pousse li depuis kot Li, Satan fine alors demande ene délai avec Allah (avant ki li gagne so punition) ziska le jour du Jugement dans le but pou trompe et égare bane serviteurs d'Allah. Allah fine accorde li sa délai là et fine permette li pou déploie tous so bane ruses. Mais en même temps, Allah fine mette bien l'emphase et fine prédire li catégoriquement ki zamaï li pas pou capave gagne le dessus lors So bane serviteurs choisis.

C'est à partir de sa punition et de sa permission et liberté ki Li fine accorde Satan là ki la lutte fine commencer entre Satan et bane serviteurs d'Allah et sa la lutte là pé contigner durer. Tout comme Satan li le leader de bane ki faire péchés, de même le Prophète élu d'Allah li le chef de bane serviteurs d'Allah. À sak fois ki la majorité lors la terre tombe sous l'influence de Satan, Allah élève ene Prophète pou ramène bane dimounes lors le droit chemin. Ene la lutte historique et légendaire engager alors, et à la fin le groupe satanique diminuer en nombre sak fois et perdi so la force.

D'autre part, le groupe du Prophète grossi de jour en jour. Et finalement, Satan bizin accepter perdi. Et sa pou durer jusqu'à la fin du monde. En d'autres mots, à sak fois ki l'armée de Satan pou regagne impé la force pour égare l'humanité, Allah de par So grâce infini pou élève So propre l'armée pou mette fin à la

domination satanique. Tanque ki pou ena bane dimounes ki pou vive lors sa la terre là, tanque ki pou ena le mal ki exister, Allah pou élève So bane élus, So bane prophètes pour rétablir l'équilibre, que ce soit au niveau mondaine, morale et spirituel.

Ki nous réfléchis alors! Allah Li éternel de même ki So parole sacrée. Le Saint Prophète Muhammad (saws) fine élevé par Allah comme le *Khatam-an-Nabiyyine*, le Sceau de bane prophètes et le dernier prophète porteur de loi, dernier prophète ki pou amène ene code de loi (couma le Quran). Mais si nous dire ki pas pou ena aucaine les autres prophètes ki pou vini après li, bane tels prophètes ki pou bien évidemment non-porteurs de loi, alors sa veut dire ki nous pé renier bane l'enseignements Quran, et de ce fait nous pé renier parole Allah.

De même, mo adresse moi à l'ensemble de bane musulmans Ahmadis, zot ki fine reconnaitre ki la porte de l'apostola pou reste toujours ouvert après le Saint Prophète Muhammad (saws), zot ki fine reconnaitre et accepté le Messie Promis du siècle passé, Hazrat Mirza Ghulam Ahmad (as), fondateur de l'Ahmadiyyat; ki faire alors eski zot refuse astaire pou reconnaitre l'Élu d'Allah de zot l'époque? Par So grâce, Allah fine élève moi de parmi zot-mêmes, de parmi l'*Ummah* de Hazrat Muhammad (saws) et de la Communauté (*Jamaat*) du Messie Promis (as), ki faire alors eski zot pé contigine reste aveugle? Ki faire zot pé faire couma dire zot pas pé tendé?

Si la phrase "*Khatam-an-Nabiyyine*" ti veut dire "*Celui ki mette fin à l'apostola*" couma bane les autres sectes musulmans pé proclamé, et si après le Messie Promis Ahmad (as) aucaine les autres messies pas pou capave vini, alors ki faire Allah fine révèle sa bane versets Quran Shareef, bane tels versets ki pou rester ziska le jour du Jugement Dernier?

Ô bane zenfants d'Adam, assurément pou ena bane prophètes ki pou vini de parmi zot-mêmes ki pou récite avec zot Mo bane signes (révélations/ versets); donc, celui ki pou pieux (ki pou ena la foi et Taqwa) et ki pou réformer pas pou ena nannié à craindre. (Al-Arraf 7: 36).

Si nous (Jamaat Ul Sahih Al Islam) bizin accepter saki les autres sectes musulmans et saki bane les autres Ahmadis ki suivant du 'calife' élu de l'homme dire, kot zot penser ki népli pou ena bane élus d'Allah ki pou vini après le Saint Prophète Hazrat Muhammad (saws) et le Messie et Mahdi Hazrat Mirza Ghulam Ahmad

(as), ki en présence d'ene calife, népli ena l'utilité ki ene Calife d'Allah (*Khalifatullah*) vini avec le Saint Esprit (*Ruh'il Quddus*), alors comment donc Allah (swt) fine capave dire dans sa verset ki mo fine fek mentionner devant zot, ki bane les autres prophètes, bane les autres guides, bane les autres messagers pou vini?

Dans Surah An-Noor (La Lumière) dans Quran Shareef, Allah (swt) dire:

Allah fine promette à bane ki gagne la foi et ki faire le bien, ki Li pou établir zot couma bane Khalifa (califes ou héritiers ou successeurs) lors la terre, pareil couma Li ti faire avant zot. (An-Noor 24: 56).

C'est dans l'*Ummah* Muhammadiyya aussi ki Allah (swt) pou établir bane califes (successeurs) pareil couma Li ti élève bane califes dans l'*Ummah* de Moussa (Moïse), couma Haroun (Aaron), Youshaa (Josué), Daoud (David) et Souleïman (Salomon), ki la paix d'Allah lors zot tous! Verset là veut dire ki zot pou bane califes au même titre ki bane prophètes avant zot.

Et rappelle zot de bane prophéties prononcés de la bouche du Saint Prophète Muhammad (saws) concernant l'avènement du Messie Promis, la deuxième venue de Isa Ibn Maryam. Rappelle zot de vision ki li ti gagner concernant le Messie d'Allah, kot d'après ene version li de teint blanc et rosé, et d'après ene l'autre version, li pou de teint bazané - le plus beau parmi les deux catégories (ki li rosé ou bazané) - kot li fine trouve le Messie pé faire *Tawaf* (circumambulation) de Ka'aba Shareef? Eski zot conné ki Hazrat Muhammad (saws) fine dire ki le Messie pou accompli soit *Umrah* ou le Hajj ou les deux et ki li pou prononce *Talbiyah* (*Labbaïk Allahoumma Labbaik...*) d'ene endroit ki appelle Rawha? (Muslim, rapporté par Abu Hurairah (ra)).

Le monde musulman fine insister et obstine zot pou dénigrer le statut de Hazrat Mirza Ghulam Ahmad (as) parski malgré li ti proclame li ki le Messie Promis de so l'époque, li pas fine réussi accompli sa prophétie spécifique là. Mais nous, bane musulmans Ahmadis nous fine reste fermes dans nous bane convictions parski nous conné très bien séki Allah fine enseigne nous, conformément à sa bane versets Quran là, kot Allah pé adresse le Saint Prophète Muhammad (saws):

Prend patience, parski promesse Allah vrai. Soit Nous pou faire toi trouve ene partie de sa kitchose avec ki Nous menace zot là, ou bien Nous pou enlève toi


(donne toi la mort) avant sa. En tout cas, zot pou retourne vers Nous. Avant toi, Nous ti envoie bane Messagers; ena parmi zot ki Nous fine raconte toi zot zistoires; et ena d'autres ki zot zistoires Nous pas fine raconte toi. Li pas possible ki ene messenger amène ene signe, excepter avec permission Allah. Et kan l'ordre d'Allah arriver, jugement pou render avec justice, et alors bane faussaires pou dans la perte. (Ghafir 40: 78-79).

Par la grâce d'Allah, le jour fine vini dans nous l'époque ki l'humble serviteur et messenger élu d'Allah, et suivant fidèle de Muhammad (saws) et de Ahmad (as) fine accompli selon la promesse et la grâce immense d'Allah la prophétie ki le Messie pou faire *Umrah* ou le *Hajj* ou les deux. Quoi qu'il en soit, la vision de nous bien-aimé prophète Hazrat Muhammad (saws) fine accompli en sa humble serviteur et Messie d'Allah, le Messie Promis de sa l'époque là kan Li fine faire moi accomplir *Umrah* (le petit pèlerinage dans Makkah) 3 fois, et c'est ene l'honneur ki mo fine recevoir d'Allah, ki Li fine ouvert le chemin après plusieurs difficultés pour accomplir mo premier *Umrah* le 20 Février 2018, jour exacte de la prophétie de l'avènement du Fils et Réformateur Promis (*Musleh Maoud*) ki ti recevoir en premier par Hazrat Mirza Ghulam Ahmad (as). Et sa l'année là faire 17 ans (2001-2018) depuis ki Allah fine élève moi comme So Serviteur Choisi avec la révélation divine, saki nous réfère de nos jours comme la Manifestation Divine de sa siècle là. Et sa l'année là aussi faire 10 ans depuis la fondation du Jamaat Ul Sahih Al Islam (2008-2018). *Alhamdulillah, Summa Alhamdulillah*. Tous louanges pou Allah ki fine réalise So promesse - parski rappelle zot de sa message ki Allah ti révèle moi le 22 Mars dernier (l'année dernière 2017) kot Li dire: **“When you leave Makkah bring Islam home, not just dates and Zamzam water.”** (Kan to pou quitte Makkah, apporte non seulement bane dattes et de l'eau Zamzam mais apporte aussi l'Islam la caze) - et tout sa faire ki Jamaat Ul Sahih Al Islam pé marche vers la victoire - la victoire divine - en toute sérénité. Et tout sa c'est Allah même ki fine promette nous depuis le commencement même de la Manifestation Divine. *Alhamdulillah, Summa Alhamdulillah*.

Par la grâce d'Allah, pendant mo séjour dans Makkah et Madina, Allah fine donne moi bane révélations et bane visions/ rêves, et fine informe moi ki tous bane - parmi bane ki ti croire dans mo l'avènement avant et ki par la suite fine abandonne moi - si zot repentir sincèrement et rézoine à nouvo le rang de sa humble serviteur là, alors Allah pou gracié zot et pardonne zot.

Donc, pour terminer Ô mo bane frères musulmans de différents sectes et mo bane frères Ahmadis, mo fine vini dans sa l'époque là de la part d'Allah (swt), non seulement pour la réforme, mais aussi pour faire revivre bane vrais l'enseignements divine à toute l'humanité. À sak fois ki quelqu'un vine de la part d'Allah (twa) lor la terre conformément à bane prophéties, bane peuples de la terre fine réagir très mal, sauf bane ki Allah fine donne la foi. Sa li dans l'habitude de bane dimounes ignorants et arrogants (bane ki refuse soumettre zot à bane décrets d'Allah) pou ridiculise celui ki Allah fine élever, kot zot insulter li et zot faire li souffert. Moi non plus mo pas fine être épargné de tout sa. Mais le plan d'Allah c'est ene kitchose ki aucaine dimoune pas pou capave barrer. Parski en vérité c'est le Prophète d'Allah ki en fin de compte triompher. *Alhamdulillah.*

Couma Allah (swt) dire dans Quran Sharef:



Kataballahho la-aghlebanna ana wa rosoli.

Allah fine aussi décrété: Moi et Mo bane Messagers, c'est Nous ki pou sûrement gagne la victoire. (Al-Mujadila 58: 22).

Ki Allah accepter nous bane sacrifices et nous bane la prières (*duahs* et *Namaz*), et contigner béni nous et ki le monde reconnait enfin So Manifestation, So bane signes et So Messenger et ki zot réforme zot pour ene lé monde meilleur, et pour zot propre salut. *Insha-Allah, Ameen.*